

噶瑪蘭廳志

ル 4
1106
3



門 儿 4
統 1106
卷 3



臺灣府噶瑪蘭廳志卷三上

禮制

慶賀 迎春 土牛芒神式 耕藉附農具 廟望行香 兼護日月

禮經國家定社稷措之則正施之則行雖因時制宜

惟民從乂而惇典秩敘自我有庸凡

朝廷勒為典章頒為令甲遵而守之率而行之察察之

萬壽所趨踰皆閭閻之所瞻仰也矧其中有與民相為維

繫者顧容以不矜莊也乎志禮制

慶賀

皇帝歲逢元旦

萬壽聖節冬至日凡三大節文武各官於前一日齋沐率

所屬赴公所習儀預於公所正中恭設

皇帝萬歲龍牌於亭南向設香案於亭之南其日五鼓設

燎於庭設鐙於門廡各官穿朝服到 龍亭前文武

分東西班行三跪九叩禮擇一員為糾儀官若

萬壽聖節前後三日各官俱穿朝服坐班至期行慶賀禮

均如前式

迎

詔

詔書由郡轉派員弁賚送至城外隨傳報各文武官員具

龍亭綵輿儀仗鼓樂出城外道右迎接賚送官捧

詔書置 龍亭中南向文武官員具朝服北向跪迎鼓樂

前導至公所文武各官分東西序立賚送官東立西

向禮生 唱 排班樂作文武各官依序北向行三跪九

叩禮賚送官捧

詔授展讀官展讀官跪受詣開讀案前宣讀眾官跪聽讀

畢展讀官捧

詔授賚送官捧置 龍亭中眾官行三跪九叩禮畢皆退

分送各衙門掛示宣布軍民

迎春 鞭春附

通禮直省迎春之日先立春日各府州縣於東郊造

芒神土牛立春在十二月望後芒神執策當牛肩在正月朔後當牛腹在正月望後當牛膝示民農事早晚屆立春日吏設案於芒神春牛前陳香燭果酒之屬案前布拜席通贊執事者於席左右立正官率在城文官屬以下朝服畢詣東郊立春時至通贊贊行禮正官一人在前餘以序列行就拜位贊跪叩與眾行一跪三叩禮執事者舉壺爵跪於正官之左正官受爵酌酒酌酒三受爵於執事者復行三叩禮眾隨行禮興迺昇芒神土牛鼓樂前導各官後從迎入城置於公所各官執采杖環立樂工擊鼓擊土牛三迺

各退

按此即鞭春

土牛芒神式

會典歲冬至後辰日於歲德方取水

土製造

甲巳年東方甲位乙庚年西方庚位丙辛年南方丙位丁壬年北方壬位戊癸年東南方

戊位以桑柘木為骨牛身高四尺象四時長八尺象八

節尾長一尺二寸象十二月頭色視年干

如甲乙年屬木色青

身色視年支

如亥子歲屬水色黑

腹色視年納音

如甲子年立春納音屬金

用白色餘倣此

角耳尾色視立春日干脰色視立春日支蹄

色視立春日納音口開合尾左右麾視年陰陽陽口

開陰口合陽麾左陰麾右○芒神長三尺六寸五分

象三百六十五日鞭長二尺四寸象二十四氣老少

視年支孟仲季 寅申己亥為孟老子午卯酉為仲壯辰戌丑未為季少也 衣色帶

色視立春日支衣色用尅支帶色用支生 如立春日屬水衣

取土尅水用黃色繫腰取木尅土用青色餘可類推 置髻視立春日納音金耳

前木耳後水左前右後火左後右前土在頂直上 謂

也髻耳視立春時晝夜子丑全戴寅揭左亥揭右卯

至戌則手提陽時左提陰時右提 蓋寅亥為通氣故揭一邊子丑為嚴

凝故 行纏鞵袴視立春日納音水俱有火俱無土有

袴餘無金木俱有金左行纏懸於腰木右行纏懸於

腰 謂金行纏左闕懸在腰左木行纏右闕懸在胷右水日俱全火日俱無土日則無行纏鞵子但著袴

耳 ○土牛鼻用拘芒神手執鞭拘以桑柘木鞭以柳

枝拘繫繩鞭著絲視立春日支寅巳申亥 孟 用麻子

卯午酉 仲 用芒丑辰未戌 季 用絲芒神立牛左右視

年陰陽陽立牛左陰立牛右芒神立牛前後視立春

距歲前後歲前五日外立春者立牛前歲後五日外

立春者立牛後歲前後五日內立春者立與牛並

耕藉

通禮直省府州縣各於東郊 先農壇側擇沃壤

為藉田 按直省藉田廣四畝九分 歲仲春吉亥或用季春有事

先農之日 另詳在祀典 正官率在城佐貳耕藉是日屬員

眡上宜備穀種青箱朱鞭耒服耜黝牛及他農器耕

器預陳耕所耆老率農夫披蓑戴笠俟於田間通贊分立田首又向

闕張畫屏設香案一南向通贊立香案之前引班立通贊之南皆東西面致祭

先農儀詳祀典禮畢各官易

蟒袍詣藉田通贊贊行耕藉禮正官以下就耕所執事者授耒耜與鞭皆左秉耒右執鞭進耕以耆老二一人執種箱播種一人牽牛農夫二人扶犁九堆九返畢釋鞭耒以次序立田首西面北上農夫遂終畝告畢事各官補服望

闕立通贊贊齊班引班引至香案前按班序立重行北

面耆老農夫稍遠列行北面隨立贊跪叩興行三跪

九叩禮興各退

器具

農具赤色牛黑色耜種箱青色所盛耜種照本省土宜擇勤謹農夫二名免其差役給以口糧令看守

壇宇灌溉藉田敬謹收存所收米穀以供該處祭祀之

案盛

朔望行香

會典每月朔望直省各印官率屬具禮服分詣

文昌祠 文昌祠 城隍廟及各方祀 神祠位前上香

三炷跪叩如常儀

救護日月

通禮直省府州縣衛遇日月食各按欽天監推定時刻分秒隨地救護各省所見不及一分及不見食者無庸救護凡救護以素服將事各於正署以正官一人領班行禮置糾儀二人通贊二人引班二人陰陽官一人報時屆期設香案於露臺上鑪檠具早晚隨日所向布拜席於香案後陳金鼓於儀門外報日初虧贊跪叩興官行三跪九叩禮興贊上香官三上香畢贊伐鼓香案前伐鼓三聲儀門外金鼓振作報日復圓金

鼓聲止贊行禮如初畢各退○月食亦如之

按外省衙門行禮三次間有初次乍虧二次食甚皆素服皆行一跪三叩禮至復圓則盛服又行一跪三叩禮者因附志之

臺灣府噶瑪蘭廳志卷三中

祀典

提要 陳設圖 社稷壇 先農壇 神祇壇
火神廟 祭旗纛 城隍廟 厲祭 關帝廟
文昌廟 天后宮
蘭中祠宇

古者名山大川祭因其地省方觀教道設以神能禦
 大蕃捍大患者聖王皆制祭祀不獨平九州者祀為
 社殖百穀者祀為稷已也顧宗伯所掌治統神人而
 春秋家作探原之論則曰民為神主神依人行於是
 乎班朝蒞官會通既行其典禮而神祇上下明德別
 薦以馨香志祀典

祀事提要

辨官

主祭官

分獻官

同祭官

執事

監宰

牛一羊一豕一為太牢羊一豕一為少牢凡牛其毛血存少許以告神其餘及

腸胃皆以淨桶盛之以供埋瘞

監造膳羞

為餅糗及製收發祭器俱要視檢

次通贊

引贊 司爵洗 香燭 司爵 司帛

讀祝

飲福受胙執事

祭期

春秋二祭均用仲月其日

文廟以丁

社

稷以上戊

神祇

關帝

文昌

天后

皆以是月諏吉

文昌或以二月三日

關帝

又於五月旬有三日加一嘉辰之祭

常雩以孟夏

後

先農以仲春亥日或用季春

火神以六月

下旬三日

屬壇以寒食中元二節及十月朔日皆

於先期三日主祭臨祭及執事者沐浴更衣散齋二

日各宿別室致齋一日同宿齋所惟理祭事

省牲

祭前一日執事者設香案於牲房外獻官常服贊者
唱詣省牲所唱省牲及省畢唱省牲畢乃退

凡宰牲必取血以告殺取毛以告純以盆盛毛血少
許入置神位下

視祭器

俎木為之以陳牲者俗曰牲盆登範金為之以荐太羹鉶範金為之以薦和羹簠以盛稷皆以竹為之薦棗栗菱豆以木為之薦

簋以盛稷皆以竹為之薦棗栗菱豆以木為之薦爵以盛帛為之盥以盛帛為之洗以盛帛為之尊以盛酒為之勺以盛酒為之翥以盛酒為之案以盛酒為之豆以盛酒為之俎以盛酒為之

盥以盛帛為之洗以盛帛為之尊以盛酒為之勺以盛酒為之翥以盛酒為之案以盛酒為之豆以盛酒為之俎以盛酒為之

爵以盛帛為之盥以盛帛為之洗以盛帛為之尊以盛酒為之勺以盛酒為之翥以盛酒為之案以盛酒為之豆以盛酒為之俎以盛酒為之

俎以盛酒為之登以盛酒為之鉶以盛酒為之簠以盛酒為之簋以盛酒為之爵以盛酒為之盥以盛酒為之洗以盛酒為之尊以盛酒為之勺以盛酒為之翥以盛酒為之案以盛酒為之豆以盛酒為之俎以盛酒為之

燭籠即滿堂紅燭臺

治祭物

太羹肉和和羹肉汁加五味黍 稷 稻 粱 形鹽

藁魚 棗榛栗 菱芡 韭菹 醢醢 菁菹 鹿脯 鹿醢 兔醢 芹菹 筍 魚醢 白餅 黑餅 糗餌 粉餈 飽食 糝食 帛色白

陳設

制帛一端 白磁爵三或以銅為之牛一 羊一 豕一

登一 鉶一 簠二 簋二 籩十 豆十 酒尊

一香燭

設酒尊所盥洗所於丹墀東南尊實酒施霧設埋瘞所於廟西北丹墀東西及露臺設炬長廊各設燈

社稷陳設圖

西

社右

銅簠簋 籩豆鹿醢

俎羊一

鐙

陪祭

南

案帝陳利實稻實黍

籩形豆菁菹 籩實豆芹菹

香案陳香盤

當階

主祭

在

銅簠簋

籩脯豆兔醢

祝文 鐙

陪祭

稷左

東

俎豕一

盥洗 東之下階

社稷陳設圖

社稷壇

通禮直省府州縣各建

社稷皆

社右

稷左異位同

壇高二尺一寸
方二丈五尺

歲以春秋仲月上戊日致祭皆以長官主

之長官有故則佐貳以次攝在城文官丞史武官把
總皆與祭祗割牲省盥盛糾儀執事贊相禮儀均於
屬員學弟子內選充前期主祭官暨陪祭執事官各
於公廨致齋三日埽除

壇境內外祭之前夕掌饌潔備品物置案於

神厨設香燭祗割牲官公服詣案前上香行三叩禮畢
宰人牽牲告臚遂割牲以豆取毛血瘞於坎及祭之
日雞初鳴執事人入設案一於

壇上正中北向陳鉶二實和羹簠二實稻粱簋二實黍稷
籩四實形鹽棗栗鹿脯豆四實菁菹鹿醢芹菹兔醢
若不能備各就土所有以其類充案前設俎陳羊一
豕一又前設香案一陳祝文香盤鑪鐙左設一案東
向陳篚一實帛二尊一爵六又設福胙於尊爵之次
司祝一人司香帛二人司爵二人位案西東面階下

之東設洗當階為主祭官拜位其後為陪祭官拜位
文東武西通贊二人位階下左右糾儀官二人分位
陪祭官左右均東西面漏未盡主祭官及陪祭官朝
服畢集

壇外引贊二人引省盥官入

壇徧視牲器酒盞饌者告潔退左右引班二人引陪祭官
入東西序立東班西向西班東向引贊二人引主祭
官入至階下盥手通贊贊執事者各司其事贊就位
引贊引主祭官引班引陪祭官成就拜位立贊迎
神引主祭官升詣香案前跪司香跪奉香主祭官三上香

興贊復位引主祭官降階復位立贊跪叩興主祭官
暨陪祭官行三跪九叩禮贊初獻引主祭官升詣

神位前跪司帛跪奉篚主祭官受篚恭獻仍授司帛司帛
興奠於案司爵跪奉爵主祭官受爵恭獻仍授司爵
司爵興分詣

社

稷位前各奠正中皆退贊讀祝引主祭官詣香案前跪陪
祭官皆跪司祝三叩興奉祝文跪於右讀曰維某年
月日某官某致祭於

社

稷之神曰惟

神奠安九土粒食萬邦分五色以表封圻育三農而蕃稼

穡恭承守土肅展明禋時屆仲春敬修祀典庶九九

松柏鞏磐石於無疆翼翼黍苗佐神倉於不匱尙

饗讀畢三叩興以祝文復於案退贊叩興主祭官泊陪

祭官三叩興贊復位引主祭官降階復位立贊亞獻

引主祭官升詣

神位前獻爵於左贊終獻獻於右均如初獻儀贊

賜福胙引主祭官升詣香案前跪司爵跪進福酒於右主

祭官受爵興舉司爵接爵興司饌跪進豆肉於左主

祭官受豆拱舉司饌接豆興各退贊叩興主祭官三叩興贊復位引主祭官復位立贊送

神贊跪叩興主祭官暨陪祭官行三跪九叩禮贊徹饌執事官徹饌贊瘞祝帛執事官奉祝次香次帛次饌詣瘞所禮畢各退

附考

按社祭五土稷祭五穀宋時社稷風雨師各一壇明社稷另為一壇設神牌二左稷右社以木為之朱漆青書題某處某社之神某處某稷之神藏於城隍廟祭日設於壇守土官行三獻禮祭以春秋

仲上戊之日今仍之

先農壇

通禮直省府州縣各建

先農壇壇制與社稷同歲以仲春亥日致祭或用季春主祭陪祀文武

官及各執事均如祭

社稷之禮先二日主祭陪祭執事各官致齋公所掃除

壇上下祭日雞初鳴執事人入設

先農神案於

壇正中南向陳鉶一簋二簋二籩豆各四實物詳社稷條內後皆倣此

案前設俎陳羊一豕一又前設香案一陳祝文香盤

鑪左設一案東向陳帛一尊一爵三陳福酒胙肉
於尊爵之次設洗於階下之東質明引班引陪祭官
入引贊引主祭官入通贊贊執事者各司其事贊就
位引主祭官至階下盥手就拜位立陪祭官按班就
東西拜位立均北面迎

神上香讀祝行三獻禮祝辭曰維某年月日某官某致祭
於

先農之神曰惟

神肇興稼穡立我烝民頌思文之德克配彼天念率育之
功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願

五風十雨嘉祥恆沐

神庥庶幾九穗雙歧上瑞頻書大有尙

饗餘儀與祭

社稷同祭畢率屬行耕藉禮

耕藉詳上禮制條內

三時之禮亦與於土故志後只謂祭與禮在冬臘與對
 六王之禮效事
 天淵十雨亦與於土
 新正之禮亦與於土
 三時之禮亦與於土

神祇壇

常祀

零祀

祈祀

報祀

按雲雨風雷為神天之屬也山川城隍為祇地之屬也其祭之名常則致祭於春秋零則禱雨於孟夏祈如祈年之祈報即報賽之報

神祇壇

壇無定制多附先農壇行禮

常祀祀

雲雨風雷境內

山川

城隍之神歲春秋仲月誦吉致祭在城文武各官皆與致祭之禮設案一於

壇正中南向

雲雨風雷神位居中境內

山川神位左

城隍神位右案陳劍一盞二盞二籩豆各四案前設俎
陳羊一豕一豕一豕前設香案一陳祝文香盤鑪鐙西設
一案陳帛七尊一爵二十有一福酒昨肉陳於尊俎
之次祭祀儀節祀官及執事官序位及簠簋等所實
諸物竝如

社稷壇儀祭日有司供具執事人預入序立引班引陪祭
官入引贊引主祭官入通贊贊執事者各司其事贊
就位引主祭官至階下盥手就拜位立陪祭官按班

就東西拜位立均北面迎

神上香讀祝行三獻禮祝辭曰維某年月日某官某致祭
於

雲雨風雷

山川

城隍之神曰惟

神贊襄天澤福祐蒼黎佐靈化以流形生成永願乘氣機
而鼓盪溫肅攸宜磅礴高深長保永貞之吉憑依鞏
固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣尙

饗餘儀節與祭

社稷同

附考

禮諸侯祭封內山川今之守令視古之百里侯封奚
翅倍蕪故皆得與於祭焉唐山川合雨師雷師竝祀
宋山川與社稷合祀元別祀山川而以風雲雷雨附
社稷明洪武初正山川壇於城西北風雲雷雨壇於
西南六年以風雲雷雨山川為一壇十四年更以城
隍合祭設神牌三中題風雲雷雨之神左本境內山
川之神右城隍之神祭以春秋二仲上巳之日今設

壇仍其制焉

雩祀

通禮歲孟夏後諏吉雩祭陳設儀注同前

祈祀

通禮若閒不雨及潦諏宜祀之辰具祝文

隨時撰擬備牲牢

籩豆香帛尊爵鑪鐙守土官率屬素服祈禱為民請

命行禮儀節與常雩同

報祀

通禮既應而報陳設供具朝服行報祀禮儀節均與祈

祀同

附考

按堯湯之世不能無水旱之災暘雨愆期爲民請命
惟有恪遵制典地方官設壇致禱力田之民亦惟有
分禱於社神田祖以迓靈貺而已蓋祀神之道不外
一誠誠之所孚求無不應其在月令曰仲夏之月乃
命百縣雲祀百辟卿士之有益於民者以祈穀實而
周禮荒政十有二一曰索鬼神注家謂摸索鬼神而
祭之雲漢之詩亦曰靡神不舉觀於月令之文則知
所謂索而舉之者皆有益於民者也乃鄉民無知不
諳禁例每值旱澇奔禱於山魃野魅之祠自棄其屏

水築防之力甚至昇土木之偶敲鉦戴柳伯什成羣
抑思彼淫昏之鬼何能爲一方禍福也哉

吾學錄

禮部通志卷三 禮部通志卷三 禮部通志卷三

火神廟

歲六月下旬三日將事陳羊一豕一果實五盤承祭官朝服行三跪九叩禮迎

神上香奠帛讀祝三獻爵送

神望燎均如儀

附考

按會典及通禮止載

京師祭 火神之儀今府州縣歲以春秋仙月寺土官誼吉致祭用少牢行禮儀節與祭 神祇壇同弭災患以安閭井亦為民祈福之一端也而閩中此禮多

舉於綠營弁兵無非以發炮施鎗尤賴神庇故祭獨不見畧歟

祭旗燹

歲霜降前一日閤標暨存城官弁兵士盛裝鎧仗迎請旗燹到教場張幕劄營至期五鼓以帛一白羊一豕一行三獻禮禮畢放炮揚威撤幕束裝整伍回營

跪燹於廟

城隍廟

通禮祭都城隍之禮歲秋諏吉遣官致祭陳牛一羊一豕一果實五盤承祭官行三跪九叩禮迎神上香奠帛讀祝三獻爵送神望燎均如儀

附考

按城隍字見易泰爻之上六其義則禮記天子大蜡八水庸居七或曰水隍也庸城也此城隍之所由名歟其神之見於史者南齊書慕容儼傳有守郢禱城隍獲祐事見於集者唐張說張九齡杜牧皆有祭城隍文見於說部者李陽冰為縉雲令以不雨禱於城

隍神曰五日不雨將焚爾廟竟得雨爲新其廟以酬之迨後唐清泰中封以王爵宋建隆後其祀遂徧天下明初去廟爲壇加封府曰公州曰侯縣曰伯旋去公侯伯封號定其主爲某府州縣城隍之神其後又改用廟祀設座判事如長吏狀迄今因之會典及通禮止載

京師 都城隍遣祭之禮直省城隍合祀於 神祇

壇又以 神主 厲壇之祀每月朔望守土官詣廟行香行三跪九叩禮遇暘雨愆期則禱於廟蓋以 城隍實主一方之治福善禍淫原爲理之所有也 吾學錄

厲祭

通禮直省歲三月寒食節七月望日十月朔日祭厲壇於城北郊前期守土官飭所司具香燭公服詣

神祇壇以祭厲告本境

城隍之位上香跪三叩興退至日所司陳羊三豕三米飯三石尊酒楮帛於祭所設燎鑪於壇南黎明禮生奉請

城隍神位入壇設於正中香案一鑪燈具贊禮生二人引守土官公服詣

神位前贊跪守土官跪贊上香守土官三上香贊叩興

守土官三叩與退執事者焚楮帛守土官詣燈鑪前
祭酒三巡退禮生仍奉

城隍神位還

神祇壇退

附考

按春秋傳子產為伯有立後使鬼有所歸遂不為厲
則厲壇之設正以無主孤魂或能依草附木求食歿
民故於季春仲秋孟冬歲祭者三迎 城隍神以為
之主即國僑治鄭之遺法也然無主之鬼既有此祭
自不敢復為民害即聞有搏膺之晉厲被髮之良夫

皮其冤孽相尋又豈祈禳可免惟有省愆修德以
換罪戾能卻山鬼之抑搔而為神毋月黜作晉人不
林楚子不修河榮而鬼神究不得而崇也時者
不察值陰陽偶戾寒暑違和不推其致病之由輒以
為羣魔所祟雖有和緩不取驗於參苓乃召巫師之
為收魂祛鬼之計遂使病者偃卧在牀聽其日就
錮一家男婦徒營營於飯巫化楮渺茫無益之為而
巫師遂得憑其符箋造作誣詞謂某日某方鬼神作
祟竟使其家愈增惶惑乞靈茶於野廟昇木偶於通
衢為門外之祛除舍室中之湯藥及至病成縣假即

使華扁重來亦將望而卻走是病原可治一經引邪入室乃真為鬼所崇矣豈不謬哉吾學錄

[Faint bleed-through text from the reverse side of the page]

關帝廟

直省府州縣及山西解州故里湖北當陽縣墓所

關帝廟歲均以春秋仲月諏吉及五月旬有三日致祭前

殿主祭以地方正官一人後殿以丞史執事以禮生

祭日陳設迎

神上香奠獻讀祝送

神眠燎禮儀並與

京師祭前後殿同前殿祝辭曰維某年月日某官某致

祭於

忠義神武靈佑仁勇威顯關聖大帝之神曰惟

帝浩氣凌霄丹心貫日扶正統而彰信義威震九州完大節以篤忠貞名高三國

神明如在徧祠宇於寰區靈應丕昭薦馨香於歷代屢徵異蹟顯佑羣生恭值仲春嘉辰遵行祀典筵陳籩豆凡奠牲醪尙

饗 後殿祝詞曰維某年月日某官某致祭於

關帝之

曾祖光昭

祖裕昌公

父成忠公曰准

公世澤貽麻靈源積慶德能昌後篤生神武之英善則歸

親宜享尊榮之報列上公之封爵

錫命優隆台三世之肇禋典章明備恭逢仲春諏吉祇事

薦馨尙

饗 按諏吉與上嘉辰皆指五月 恭查

京師祭禮是日昧爽廟祝灑掃殿宇內外官具祝版備器陳

神位前牛一羊一豕一登一釂二簋籩各二籩豆各十鑪一鐙二殿中設一案少西北向供祝版東設一案陳制帛一色香盤一尊一爵三牲陳於俎帛寔於篚尊

實酒幕勺具設樂於西階上設洗於東階上祭官拜位在殿內正中執事各以其職為位如常儀贊明祭官朝服詣廟贊引二人引正祭官由廟左門入至東階上盥手畢進殿東門詣拜位前立通贊京作贊執事者各共廼職引贊京作贊贊就位引祭官就位立通贊贊迎

神樂作引贊贊詣上香位引祭官就香案前立贊上香司香跪奉香祭官上炷香三上瓣香畢贊復位引祭官復位立贊跪叩興祭官行三跪九叩興通贊贊奠帛爵行初獻禮司爵京作有司揭尊幕勺挹酒寔爵司帛奉

篚司爵奉爵各進至

神位前司爵篚於案三叩興司爵六獻爵於案正中各退司祝詣祝案前跪三叩興奉祝版跪案左樂暫止引贊贊跪祭官跪通贊贊讀祝司祝讀祝讀興以祝版跪安於篚內叩如初興引贊贊叩興祭官行三叩禮興通贊贊行亞獻禮樂作司爵獻爵於左如初獻儀通贊贊行終獻禮司爵獻爵於右如亞獻儀通贊贊徹饌徹畢贊送

跪叩興祭官皆行三跪九叩禮興

武同祭直省則有正獻陪祭文東武樂止通贊贊奉

帛饌送燎各司奉祝帛香饌以次送燎如儀贊望
燎引祭官詣燎位視燎禮畢樂止祭官及執事皆退

同日加後殿

光昭公位加

裕昌公左

成忠公右均南向位各異案每案羊一豕一釧二簠簋各
二籩豆各八鑪一鐙一殿中設案稍西北向供祝版
東西各設一案分陳制帛三帔香盤三爵九尊三俎
篚簠勺具設洗於後垣門內甬道東祭官位殿檐下
正中執事各以其職為位如常儀質明祭官由前左

門入後垣中門盥手升階就位迎

神引詣正位前上香畢以次詣左右位前上香復位行一
跪六叩禮初獻讀祝如儀凡儀節均與前殿同

歲五月旬有三日致祭前殿

神位前陳牛一羊一豕一果寔五盤鑪鐙具陳設及行禮
同日並祭後殿每案羊一豕一果實五盤通贊不贊
徹饌司爵以執事生餘陳設及行禮儀節與春秋祭
並同

文昌廟

直省府州縣暨四川梓潼縣鳳凰山

文昌廟歲均以春秋仲月京師春祭以二月三日地方官躬詣致祭

陳設器數行禮儀節並與

京師祭廟同是日昧爽廟祝潔掃殿宇內外官具祝版

備器陳設洗辨位設樂均與

關帝廟同質明祭官朝服詣廟贊引二人引祭官由廟左

門入至東階上盥手畢引詣拜位前立通贊贊執事

者各司其事引贊贊就位引祭官就位立通贊贊迎

神樂作引贊贊詣上香位引祭官入殿左門就香案前立

贊上香司香跪奉香祭官上炷香三上辨香畢贊復

位祭官復位立贊跪叩興祭官行三跪九叩禮興通

贊贊奠帛爵行初獻禮司爵搗尊奠勺挹酒寔爵司

帛奉篚司爵奉爵各進至一刺羊一豕一一

神位前司帛跪奠篚於案三叩興司爵立獻於案正中各

退司祝詣祝案前跪三叩興奉祝版跪案左樂暫止

贊跪祭官跪通贊贊讀祝司祝讀祝詞曰維某年月

日某官某京師係遣祭致祭於

文昌帝君曰惟

神蹟著西潼樞環北極六匡麗曜協昌運之光華累代垂

靈為人文之主宰扶正久彰夫感應薦馨宜致其尊

崇茲當仲春用昭時祀尙其歆格鑒此精虔讀畢興

以祝版跪安於篚內叩如初興退贊叩興祭官行三叩禮興通贊贊行亞獻禮樂作司爵獻爵於左如初獻儀通贊贊行終獻禮司爵獻爵於右如亞獻儀通贊贊徹饌徹畢贊送

神引贊贊跪叩興祭官皆行三跪九叩禮興樂止通贊贊奉祝帛饌送燎執事奉祝帛香饌以次送燎如儀贊望燎引祭官詣燎位望燎禮畢樂止皆退

同日祭後殿正中奉

文昌帝君前代神位南向設案一陳羊一豕一釧二簋簋各一籩豆各八祭官行二跪六叩禮初獻讀祝如儀

祝辭曰維某年月日某官某致祭於

文昌帝君之

前代曰祭引先河之義禮崇反本之思矧夫世德彌光延

賞斯及祥鍾累代炯列宿之精靈化被千秋爲人文

之主宰是尊後殿用答前庥茲值仲春肅將時事用

申告潔

神其格歆尚

饗餘陳設器數及行禮儀節均與

關帝廟後殿同

附考

案供祝版北設一案陳帛一香盤一尊一爵一設樂於南階上設洗於東階下之北祭官拜位在階上正中司祝司香司帛司爵典儀掌燎各以其職為位祭官朝服行禮入殿中門以上參黑龍潭遺祭龍神之禮至香案前贊上香司香跪奉香官上炷香三上辨香畢贊復位官復位立贊跪叩興官行三跪九叩興贊奠帛爵行初獻禮司帛跪獻篚於案三叩興司爵立獻爵於正中皆退司祝詣祝案前跪三叩興奉祝版跪案左樂暫止贊讀祝贊跪官跪司祝讀祝祝文因地隨時撰擬畢興奉祝版跪安於篚內叩如初興退樂作贊叩興官三叩興

贊亞獻司爵奉爵獻於左退贊終獻司爵奉爵獻於

右退贊送

神跪叩興官三跪九叩興贊奉祝帛送燎司祝司帛詣神位前咸跪三叩奉祝帛興司香跪奉香興以次送至燎所官避立拜位西俟祝帛過復位立贊望燎引宜詣望燎位眠燎贊禮畢官仍由東側門出樂止各退

以上參祭都城隍禮

同日祭後殿禮率初

附考

按 神始於宋林氏女初封靈惠夫人其見於正史

者實始於元歷元明皆封天妃

國朝康熙十九年封護國庇民妙靈昭應宏仁普濟天妃二十三年加封天后乾隆二年加封福佑羣生二十二年加封誠感咸孚五十三年加封顯神贊順嘉慶五年加封垂慈篤祐自十二字積至二十八字矣六年又追封

神父爲積慶公母爲積慶夫人祭於莆田清口天后廟後殿蓋以福建莆田縣湄洲爲

神誕育之區江蘇清口惠濟祠並海濱各縣爲

神護濟漕艘海艇之貺故二處之廟特編入會典專祠之

條通禮又特加載

綺春園內

惠濟祠遣祭之祝文並云春秋仲月與

玉泉山昆明湖龍神祠同日致祭其樂設自內監其行

禮儀節視

黑龍潭龍神祠與

都城隍之典而皆不詳及直省州縣之禮今謹依通禮所載綴其可通行者條之於右若夫不迎神不徹饌與後殿禮節祝文隨時撰擬則皆原文所無而非竟漏也

聖母林姓興化莆田人父愿五代時官都巡檢母王氏以
宋太祖乾德元年三月二十三日產后於莆之湄洲
與方誕紅光滿室異氣氤氳彌月不聞啼聲因名默
娘八歲就塾讀書輒解奧義喜焚香禮佛十三歲得
道典秘法年十六觀井得符能布席海上以濟人雍
熙四年九月九日昇化或云二月十九日年二十有
八是後常衣朱衣乘雲遊島嶼閩里人祠之有禱輒
應宣和中賜廟號順濟自是迄今屢徵靈迹明嘉靖
中編入祀典疊加徽號

國朝康熙中屢著靈應紀功加封天后入祀典

雍正四年

御賜神昭海表額十一年

以福安瀾區今江海各省一體奉祠致祭

彰化志

蘭中祠宇

社稷壇 在廳治南門外北向嘉慶十七年通判翟淦奉

建道光五年陞倅呂志恆增修

神祇壇

同在一處南向

二壇即山川社稷

雲雨風雷壇 同上西向左為

境內山川右為

城隍牌位嘉慶十八年通判翟淦補建

先農壇 同上西向嘉慶十七年通判翟淦奉建道光五

年陞倅呂志恆安設牌位重加修葺遠翠浮空平疇

如畫其左男不 五穀神祠凡耕藉迎春常雩皆祭

於此

火神廟 一在廳署口右畔嘉慶二十五年居民合建另祀

一牌位於大堂西偏天后宮廳左

城隍廟 在廳治西街後南向嘉慶十八年官民合建廟

凡兩進諸司塑在兩廊堂上三楹左祀三寶佛右祀土

地神氣宇嚴凝觀瞻肅穆道光十年署通判李廷璧額

曰明陰洞陽有翁結茅三椽度僧安榻於此香田在奇

武蘭莊壹百肆拾柒甲歲收穀石如甲之數香園在奇

擇簡莊壹百零陸甲年折稅洋伍拾叁元下論豐歉

又本街東畔地基稅銀年貳拾餘兩皆為香燈齋糧之

供

關帝廟 在廳治西文昌宮前殿南向嘉慶十三年居

民原祀在米市街二十三年文昌廟落成之日通

判高大鏞移奉同在前殿至道光五年陞倅呂志恆

改以前殿奉神像而移文昌神像於殿後皆未

妥協蓋論神道則文昌為高而論祀典則關帝

為大兩帝君廟制皆有後殿追祀三代同在前楹

既嫌於右武移之後殿豈待以先賓則合祀之廟非

矣署通判李廷璧額曰浩氣凌霄楹聯即用

京都正陽門廟 神所自作之句數定三分扶炎漢削魏伐吳辛苦備嘗未

了生平專業志存一統佐熙朝盪
魔伏寇威靈丕振祇完當日忠貞殿宇寬敞幽邃靜

涵左有官廳一座北連仰山書院十年署通判薩廉
重修右有香園一所年稅八金并以渡船頭田宅曠
地原稅銀二十元作香火資

文昌壇 在廳治西 關帝殿後南向嘉慶二十三年通

判高大鏞倡建原在前殿居民稱 文昌宮後移奉

於此繚以牆垣雕以牕櫺左右各有廂房廳左祀

倉頡神牌右為開蘭以來官長諸祿位庭隅東址築

敬字亭四周護以石欄文峯拱翠修竹凌雲亦勝槩

也十年署通判李廷璧額曰仁孝維風官廳香園詳

前

案道光二十五年署通判朱材哲就前後殿原址倡

捐改建左右二殿左奉十二王官只合裝飾於

文昌額曰觀文成化右奉

關帝額曰浩然正氣咸豐元年冬士庶等再拓外牆飾以

照壁重修外門於是遇行祀禮始恢恢乎有餘地矣

天后廟 俗呼媽祖宮在廳治南街東向嘉慶十三年居

民合建中塑 神像左祀 觀音菩薩右安置

萬壽龍亭兩翼廊直達外戶皆護以木柵闌闌貫香煙

侈盛道光十年署通判李廷璧額曰寰海尊親有柱

祀典 蘭中祠宇

高馬廟志

風政政村 惠耶

三三

聯曰救民於水配德於天香田在抵六田莊年租穀
 貳拾捌石又本街西畔地基稅銀貳拾餘兩西門外
 五結東勢二結牛欄後及頭圍等處渡船香燈銀共
 貳拾元糧稅拾陸元大船稅貳拾元俱作香火之資
 募僧住持道光十四年改西
 向規模較為宏敞
 一在廳治大堂之右東向一佛堂一外廳一庭院前
 後俱三楹中奉 神及 觀音塑像左奉 火神右
 奉 藥王牌位嘉慶二十二年官民合建護通判范
 邦幹額曰瀛海慈航通判高大鏞額曰祥凝順海
 一在羅東街居民合建

倉王廟 在廳治西常平倉內嘉慶二十年通判翟
 淦建

臺灣府噶瑪蘭廳志卷三下

風教

聖諭

鄉飲

旌表

彰善癉惡風聲克樹建國君民教學為先聖謨洋洋
人眾皞皞讀州長之法歛鄉飲之笙有不侈風者有
幾有不率教者誰歟所賴良有司躬親倡導過化存
神俾士女各矢其忠貞老羸共躋於仁壽則家絃而
戶誦講讓而型仁海濱鄒魯之稱其來端必有自矣
志風教

宣講

聖諭

六諭 碑文
訓 飭 士 子 文

聖諭 十六條

聖諭廣訓

臺灣府志

卷三下

風教

通禮月朔望直省府州縣鄉堡擇適中地爲鄉約所
選老成公正一人爲約正樸實謹守者三四人直月
按期集所部民宣講

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓擇律文內民俗易犯者咸宣示之守
土官實力董率竝飭各屬隨時巡行宣導兵民園聽
宣畢各退

謹按順治九年頒

御製六諭曰孝順父母恭敬長上和睦鄉里教訓子孫各安

生理無作非爲卽今學宮所立卧碑文也康熙九年頒

聖諭十六條由敦孝弟以重人倫篤宗族以昭雍睦和鄉黨
以息爭訟重農桑以足衣食尙節儉以惜財用隆學校以
端士習黜異端以崇正學講法律以警愚頑明禮讓以厚
風俗務本業以定民志訓子弟以禁非爲息誣告以全善
良誠窩逃以免株連完錢糧以省催科聯保甲以弭盜賊
解讐忿以重身命雍正元年就此十六條爲題各篇數釋
至論計共萬言謂之

聖諭廣訓卽今著令生員歲科試及新進童生所默寫者也
乾隆五年十月二十九日 內閣抄出奉

論士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條亦
既詳備矣獨是科舉聲利之習深入人心積重難返士子
所爲汲汲皇皇者惟是之求而未嘗有志於聖賢之道不
知國家以經義取士使多士由聖賢之言體聖賢之心正
欲使之爲聖賢之徒而豈沾沾焉文藝之末哉朱子同安
縣諭學者云學以爲己今之世父所以詔其子兄所以勉
其弟師所以教其弟子弟子之所以學舍科舉之業則無
爲也使古人之學止於如此則凡可以得志於科舉斯已
耳所以孜孜焉愛日不倦以至乎死而後已者果何爲而

然哉今之士惟不知此以爲苟足以應有司之求矣則無
事乎汲汲爲也是以至於惰游而不知返終身不能有志
於學而君子以爲非士之罪也使教素明於上而學素講
於下則士固將有以用其力而豈有不勉之患哉諸君苟
能致思於科舉之外而知古人之所以爲學則將有欲罷
不能者矣觀朱子此言洵古今通患夫爲己二字乃入聖
之門知爲己則所讀之書一二有益於身心而日用事物
之間存養省察闡然自修世俗之紛華靡麗無足動念何
患詞章聲譽之能奪志哉况卽爲科舉亦無礙於聖賢之
學朱子云非是科舉累人人累科舉若高見遠識之士讀

聖賢之書據吾所見爲文以應之得失置之度外雖日日
應舉亦不累也居今之世雖孔子復生也不免應舉然豈
能累孔子耶朱子此言卽是科舉中爲己之學誠能爲己
則四書五經皆聖賢之精蘊體而行之爲聖賢而有餘不
能爲己則雖舉經義治事而督課之亦糟粕陳言無裨實
用浮僞與時文等耳故學者莫要於辨志志於爲己者聖
賢之徒也志於科名者世俗之陋也國家養育人材將用
以致君澤民治國平天下而囿於積習不能奮然求至於
聖賢豈不謬哉朕膺君師之任有厚望於諸生適讀朱子
書見其言切中士習流弊故親切爲諸生言之俾司教者

知所以教而爲學者知所以學欽此

乾隆十年議准將乾隆五年

欽頒太學訓飭士子文通行頒發直省學宮令朔望一體宣
讀永遠遵行

大學禮制士子文獻行禮... 其對十平... 以禮... 禮... 禮...

鄉飲酒禮

儀注 作樂

行禮人數 歌詩

服色

坐次並圖

儀注 學政全書京府及直省府州縣歲以孟春望日
孟冬朔日舉行於儒學前一日執事者於講堂依圖
陳設坐次司正率執事習儀至日黎明執事者宰牲
具饌主席及僚屬司正先詣學遣人速賓僕以下賓
至主人率屬以迎於庠門之外揖人主居東賓居西
三揖三讓而後升堂東西相向立贊兩拜賓坐僕至
主人又率屬出迎揖讓升堂拜坐如前儀賓僕介主
既就位執事者贊司正揚觶引司正由西階升詣堂
中北向立執事者贊賓僕以下皆立贊揖司正揖賓

高馬高馬志 卷三十一

風教鄉飲儀注

五

僕以下皆揖執事者以酒授司正司正舉酒曰恭惟
朝廷率由舊章敦崇禮教舉行鄉飲非爲飲食凡我長
幼各相勸勉爲臣盡忠爲子盡孝長幼有序兄弟友
恭內睦宗族外和鄉里無或廢墮以忝所生讀畢執
事者贊司正飲酒飲畢以觶授執事執事者贊揖司
正揖賓僕以下皆揖司正復位賓僕以下皆坐贊讀
律令執事者舉律令案於堂中引讀律令者詣案前
北面立贊賓僕以下皆立行揖禮如前讀畢復位執
事者贊供饌案舉饌案至賓前次僕次介次主三賓
以下各以次舉訖贊獻賓主起席北面立執事酌酒

以授主主受爵詣賓前置於席稍退贊兩拜賓答拜
訖執事又酌酒以授主主受爵詣僕前置於席交拜
如前儀畢主退復位贊賓酬酒賓起僕從執事酌酒
授賓賓受爵詣主前置於席稍退贊兩拜賓僕主交
拜訖各就位坐執事分左右立以次酌酒獻三賓眾
賓徧賓主以下酒三行供羹執事以次酌酒飲酒供
饌三品畢執事者贊徹饌候徹饌案訖贊賓僕以下
皆行禮僕主僚屬居東賓介三賓眾賓居西贊兩拜
訖贊送賓以次下堂分東西行仍三揖出庠門而退
行禮人數 通禮直省府州縣以守牧令爲主人省會

及監司分駐之地皆以監司賤其禮以鄉之年高六十以上有德行者一人為賓其次一人為介又其次為眾賓以教官一人為司正學弟子習禮者二人司爵二人贊禮二人引禮一人讀律令僚佐皆與如有鄉大夫來觀禮者按即古所謂僕也坐於堂之東北府州縣三品以上席南向四五品席西向無則闕之不立一僕二僕三僕之名

按僕與遵通鄉大夫為人所遵法者古有一僕二僕三僕之名今制總謂之僕鄉賓介皆由州縣舉報督撫覈定彙造姓名清冊送部存案或闕毋濫

不得其人即行停止惟僕不在舉報之列

服色 會典鄉飲賓內貢監考職候選者准照應選之職

服用頂帽補褂監生金雀頂青袍藍邊生員銀雀頂

藍袍青邊無品級者民庶穿常服不得濫用金頂補

坐次 通禮設監禮席次於庭東北向布賓席於堂西

北南向主人席於東南西向介席於西南東向眾賓

之長三人席於賓西南向東上皆專席不屬眾賓席

於西序東向僚佐席於東序西向皆北上司正席於

主人之東北向設律令案於主介間正中東西肆設

尊案於東序端南北肆設樂縣於西階下

鄉飲酒禮

飲酒禮


酒禮

坐賓

次賓

圖

長之賓眾
向皆席三
南皆席三



謹案學政
全書禮部
則例皆有
鄉飲酒坐
次圖賓僕
介主四席
皆斜設與
通禮賓南
介東主西
之向不同
又無監禮
樂工之次
今據會典
繪圖以符
通禮坐次

作樂 會典凡鄉國之樂府州縣鄉飲酒設雲璈一方

響一琴二瑟一簫四笛四笙四手鼓一拍板一正月

以太簇為宮十月以應鐘為宮

謹案學政全書載鄉飲酒儀注而無作樂歌詩二

節據會典直省鄉飲作樂歌詩皆與順天府同並

將歌詩儀節恭錄於左

歌詩 通禮鄉飲酒禮賓主獻酬訖工升歌周詩鹿鳴

三章卒歌笙素

高宗純皇帝御製補南陔詩詞曰我逝南陔言陟其岵昔我行役瞻望有父欲養無由風木何補我逝南陔言陟其岵

今我行役瞻望有母母也倚閭歸則宜止南陔有荀箴實
勺之孱孱孩提孰喚咻之慎爾溫清潔爾旨肴今爾不養
日月其怙

御製補白華詩詞曰有白者華不污纖塵咨爾士兮宜修其
身不修其身迺貽羞於二人有白者華婉茲靜好咨爾女
兮宜修婦道不修婦道迺貽羞於二老白華匪玉涅而不
緇白華匪蘭芬迺勝之我擷白華載詠載思白華匪玉質
玉之令白華匪蘭臭蘭之淨我擷白華載思載詠

御製補華黍詩詞曰瞻彼阪田厥黍始華胼足胼手嗟嗟我
農夫瞻彼阪田黍華以秀胼手胼足惟勤斯殖茂華有不

秀矣秀有不實矣其雨其雨矣杲杲日出矣怒予愁之恤
矣聞歌周詩魚麗南有嘉魚南山有臺三章笙奏
御製補出庚詩詞曰王庚便便東西朔南六符調燮八風節
宣王庚容容朔南西東維敬與勤百王道同王庚廓廓東
西南朔先憂而憂後樂而樂王庚恢恢南朔東西皇極孰
建惟德之依

御製補崇邱詩詞曰澗松童童蛙黽鄰兮邱草萋萋蕩青雲
兮凡百君子慎迺託身兮澗松童童澗則卑兮邱草萋萋
邱則崎兮凡百君子審迺所依兮有崇者邱物無不遂有
卓者道愚無不智資生育德永植毋替

御製補由儀詩詞曰在上曰天在下曰地君君臣臣父父子
子在下曰地在上曰天父父子子君君臣臣由其儀矣物
則熙矣儀其由矣物則休矣迺合樂歌周南關雎三章召
南鵲巢三章卒歌工告備出

旌表事例節婦貞女 殉難官民 名宦鄉賢 樂善好施 累世同居 耆壽同堂 一產三男

節婦貞女建坊例 會典各省府州縣衛各建節孝

祠一祠外建大坊應

旌表者題名其上身後設位祠中各省由督撫學政會題
取具冊結送部覈題其在部呈請者由部行查督撫
覈實咨部題准令地方官給銀三十兩建坊如奉有

御賜詩章扁額綬疋由內閣交部發提塘齎送督撫行地

方官給領守節之婦不論妻妾自三十歲以前守節
至五十歲或年未五十身故其守節已及十五年謹

案現行章程改十五年作十年

果係孝義兼全阨窮堪憫者俱准

旌表其循分守節合年例者給與清標彤管四字扁額於

節孝祠另建一碑鐫刻姓氏不設位不給坊銀

謹案現行章程各府州縣有彙請

旌表之節婦貞女共給銀三十兩總建一坊

婦人因子受封准與

旌表因夫受封守節者不准

旌表夫婦未成婚流離失散守志至老合巹者准與

旌表建坊用貞義之門字樣孝女以父母未有子孫終身

奉親不嫁者如孝子例未婚貞女合年例者如節婦

例其有在夫家守貞身故及未符年例身故者一體

旌表婦女遭寇守節致死雖事歷年久覈實准其補行題

請給銀建坊如無親屬則官爲建坊於墓前節孝祠

內設位婦女因強姦不從致死及因調戲自盡非曾

再醮者刑部禮部會題請

旨建坊如例猝遭強暴被污見戕及被污後刻即捐軀者

坊銀減半不於祠內設位本夫逼令賣姦抗節自盡

者童養之女未成婚拒夫調姦致死者建坊於父母

之門節婦被親屬逼嫁致死者

旌表如例若係翁姑逼勒坊銀另擇家長支領督理建坊

凡僕婦婢女女尼女冠拒姦致死者建坊於本婦墓

前不於祠內設位孝子割股傷生及烈婦夫亡無逼

而遽殉節者例不准旌如有奏請

旌表者入祀建坊候

旨遵行

殉難官民建坊例 會典各府州縣建立忠義孝弟

祠一祠中立石碑應

旌表者題名其上陣亡官員全家隨任被害者每家給銀三十兩合建一坊男婦並題名其上本邑忠義孝弟祠節孝祠內照例設位遭寇殉難紳士庶民於忠義孝弟祠內設位題名其被戕之大小婦女督撫飭地方官每縣給銀三十兩於通衢總建一坊全刻姓氏並於節孝祠設位遇難死事之臣入

京師昭忠祠者仍於本邑忠義孝弟祠設位不建坊名宦鄉賢崇祀例 會典各省府州縣崇祀名宦鄉賢該督撫會同學政確覈事蹟合詞具題並造冊結

送部由部於年終彙題得

旨准設位入祠其鄉賢子孫現任九卿者祖父不得題請若保舉而未經彙題其子孫有由庶僚擢至九卿及子孫曾任九卿業經身故其應否入祠之處均專

奏請

旨大臣身後有題請入祠者亦由部專 奏請

旨

樂善好施建坊例 會典凡庶民或養恤孤貧或捐資贍族助賑荒歉或捐修公所及橋梁道路或收瘞屍骨實於地方有裨益者各省由督撫具題造冊送

部捐銀至千兩以上或田粟准值銀千兩以上者均請

旨建樂善好施坊由地方官給銀三十兩所捐不及千兩者請

旨交地方官給樂善好施扁額如有應旌表而願議敘者由吏部定議給與頂戴

謹案刑部尙書張照之祖淇捐置贍族義田雍正十年奏准由部立册存案嘉慶二十年刑部尙書韓封捐置義田呈請由部給照二十三年兵部右侍郎曹師曾亦將其父秀先捐置祠學義田奏准

存案子孫不得擅賣外人族人不得擅買由部立册載入縣志又嘉慶二十一年江西新城縣已故州同陳世爵等所捐義學祭田用銀數萬兩准其旌表皆載入禮部則例

累世同居建坊例 會典凡累世同居和睦無閒者督撫題請

旌表禮部專題給銀建坊題名忠義孝弟祠碑如例或御賜詩章扁額緞疋遵

旨頒領 百年耆壽及五世同堂親見七八代坊扁例 會典

禮部志卷三十一
耆壽至百歲由督撫題請

旌表者壽民給與昇平人瑞壽婦給與貞壽之門兄弟同
臻百歲者給與熙朝雙瑞夫婦同登百歲者給與期
頤偕老諸字樣均令並建一坊壽至百有十歲者坊
銀加倍百二十歲加二倍百二十歲以上請

旨加賞不拘成例年屆百歲五世同堂者照例建坊外請
旨賞給銀十兩緞一疋未屆百歲五世同堂者令督撫分
別年歲給與扁額緞疋銀兩壽民壽婦上事祖父祖
姑下見元孫親見七代者給與七葉衍祥見八代者
給與八葉衍祥諸字樣均令督撫製造扁額頒給造

冊送部覈題其於常例外奉

旨賞給

御製詩章扁額緞疋銀兩並有職官員加
賞職銜及貂皮等物均由

特恩壽民壽婦於題請奉

旨後身故者所有建坊銀兩並

恩賞銀緞仍准給領如未經題覈身故者隨本聲明無庸
旌表

謹案嘉慶十四年奏准三品以上文武大員之父
母妻室年屆百歲五世同堂者皆於坊銀外

風教旌表壽高居耆壽同堂

加賞銀二十兩緞二疋其有百十歲以上者以次遞加
嘉慶十五年廣西宜山縣民藍祥壽屆一百四十
二歲坊銀

賞銀共加至二百兩緞五疋並

特賜扁額詩章

恩給六品頂戴 三品以上年屆百歲者或未及百歲五

世同堂者均

加賞銀十兩緞一疋又年屆百歲五世同堂親見七代者

在內由各部院在外由督撫據呈奏請

旌表其子孫官至三品以上者准其自行具奏

一產三男給米布例 會典一產三男者由督撫咨

報禮戶二部照例給米五石布十疋其男女並育及

一產二女者不咨報不給米布

一查三丈深不查時不餘米亦
一查三丈深不查時不餘米亦
一查三丈深不查時不餘米亦
一查三丈深不查時不餘米亦

政術附 戶籍 農務之津梁 倉儲 荒政 惠卹

戶籍 查戶口 編保甲

查戶口 會典各省諸色人戶有司察其數而歲報於部曰烟戶男年十六曰丁女曰口未成丁亦曰口丁口繫於戶腹民計以丁口邊民計以戶凡丁輸賦者以康熙五十年為額歲編審有羨餘曰

盛世滋生人丁永不加賦各府州縣編賦役冊以一百一十戶為里推丁多者十人為長餘百戶為十甲甲凡十人歲役里長一人管攝一里之事城中曰坊近城曰廂鄉里曰里凡十年一周先後則以丁數之多寡

爲次每里編爲一冊冊首總爲一圖其鰥寡孤獨不任役者則帶管於百一十戶之外而列於圖後名曰畸零

編保甲 會典保甲之法戶給以門牌書其家長之名與其丁男之數而歲更之出註所往入註所來戶有遷移隨時換給十家爲牌牌有頭十牌爲甲甲有長十甲爲保保有正皆以誠實識字有身家者充限年更換稽其犯令作慝者如盜竊邪教賭博製造賭具窩逃姦拐私鑄私銷私鹽販賣硝磺並私立名色歛錢聚會及面生可疑形迹詭秘之徒皆令查報○

各府州廳縣所屬城廂市鎮村屯土著軍民自摺紳以至商賈農工吏役兵丁皆挨戶編審客民在地方開張貿易卽與土著一律挨編其往來無定之商賈令客長稽察至客商投寓店埠皆令店主埠頭詢問來歷並騎馱夥伴去來日月循環冊報山居棚民按戶編冊令地主保正結報寺觀僧道令僧綱道紀按季冊報

農務

墾荒地
修堤防

墾荒地 會典各省實有可墾荒地招徠報墾酌借牛種限以水田六年旱田十年准其陞科永爲已業

將屆陞科之期設督撫委員復加丈勘果有坍塌沖漲或磽确者仍免其陞科其有自費工力挑築池塘渠堰者准照定界蓄水灌溉他人竊放灌田照盜種田畝律科罪以勸墾荒惟池澤陂蕩蓄水處所無論官地民地概禁開墾瀕臨江海湖河沙漲地畝如有阻遏水道為隄工之害者禁其報墾以禦旱潦

修隄防 會典凡水利之應治者有官工有民工其無官修定欵者皆由民修或借庫項興工攤徵歸欵或地方官隨時督率民夫加倍疏濬除欵項無多無關緊要者聽民間自行辦理如係要工經費逾五百

兩者俱一體報部覈銷定保固限期以杜侵冒

津梁 修橋道 設渡船 救生

修橋道 會典各省橋道有損壞者地方官查明隨

時建置由該督撫奏明辦理報部覈銷 按此指經費之大者而言

若些須工值便利行涉地方官卽未違輸欵何難勸捐

設渡船浮橋 會典水陸通衢額設渡船浮橋隨時

補給或分別年限修造各視其地之衝僻以為差

救生船 會典遇水道危險之處額設救生船三年

小修五年大修如內河戰船之例

救生樁 會典安徽洪澤湖設立救生樁以資拯濟

按蘭如海汙內港諸地尤宜留意

倉儲

常平倉裕備倉社倉義倉

常平倉裕備倉 會典各州縣設立常平倉視其地之廣狹以定額貯所貯各色糧石皆按其出產準作穀數其折耗曰氣頭曰糜底均計收貯年分及地氣燥濕以定其數准該管官驗明米色秋後買補常年平糶皆以存七糶三為率閒有燥濕不同隨時酌糶存三糶七存六糶四及不限額數者遇豐年酌糶十之二三或全行停糶其糶米石減市價五分遇歉歲或逾額出糶每石減銀一錢皆於秋收後以糶存價

銀採補各州縣另設有裕備倉常年出陳易新亦照常平倉例遇新舊官接任皆令交代結報

社倉義倉 會典各省社倉係士民捐置聽其自為

經理當青黃不接之際准農民借領秋後納還如司事之社長等有侵食等弊准同社士民報官究治各

省義倉亦係捐置聽士民經理與社倉同

荒政

救災 緩徵 報災 通商 發賑 勸輸 減糶 興工代賑 蠲賦

救災 會典水災驟至有司官即率眾救濟漂沒房屋給與搭篷修理之費淹斃人口給與葬銀淹傷人口給與撫卹銀水衝沙壓地畝給與挑培修復銀皆

按各省定例銀數散給

報災 會典督撫題報被災情形夏災限於六月盡秋災限於九月盡一面委員勘定被災分數自六分至一分者爲成災五分以上爲勘不成災結報督撫扣除呈限統限四十五日內具題如被災異常之區令督撫一人親勘卽以應行撫卹事宜具奏罪其匿災者減災分者報災之不速者

發賑 會典題報成災情形卽一面開倉將乏食貧民先散賑一月大口日五合小口二合半是爲正賑及查明分數後隨分晰極貧次貧題請加賑災十分

者極貧加賑四月次貧加賑三月九分者極貧加賑三月次貧加賑二月八分七分者極貧加賑二月次貧加賑一月六分者極貧加賑一月五分者酌借一月口糧凡閒散貧民與力田災民一體給賑米不足者按各省折賑定價以銀米兼散

減糶 會典歲歉出糶常平倉穀於常年照市價減糶之外督撫覈定應減之數具奏出糶如倉穀不足則動帑赴鄰省採買出糶事竣動倉穀者糶穀還倉動庫帑者易銀歸庫

蠲賦 會典蠲賦以災戶應納地丁正耗準作十分

按災分之數蠲免災十分者蠲其七九分者蠲其六
八分者蠲其四七分者蠲其二五六分者蠲其一皆
奏明辦理

緩徵 會典災地勘報之日卽行停徵所停錢糧係
被災十分九分八分者三年帶徵七分六分五分者
二年帶徵五分以下者勘不成災有奉

旨緩徵及題明緩徵者至次年麥熟後啟徵其麥熟後應
徵錢糧緩至秋成若被災之年深冬方得雨雪及積
水方退者另疏題明將麥熟應徵者再緩至秋成新
舊並納其成災五分以上州縣中間有成熟田地亦

一體緩徵

通商 會典災區需米接濟奏明招徠商販有運米
前往糶賣者所過關口免其納稅給與印票到境之
日呈送地方官蓋印回空覈銷如未到被災地方先
行糶賣及偷運他省加倍罰稅仍照違禁例治罪
勸輸 會典紳衿商民於歉歲出資捐賑者赴司具
呈捐項聽其自行經理不許州縣抑派事竣督撫覈
實具題捐多者議敘頂戴少者給匾旌獎
興工代賑 會典災歲閭閻艱食督撫於地方應舉
之工如溝渠城垣隄防酌量題請辦理俾貧民得以

傭工就食

惠卹 養濟院 育嬰堂 矜囚獄 瘞枯骨

養濟院 會典直省會城設有養濟院境內鰥寡孤

獨殘疾無告之人照額收養人多於額以額外收養

在地丁正項銀米及耗羨項下分別動支又通都大

邑設有普濟堂除紳士好義捐建者經費聽其自行

經理其動用官發生息銀及存公銀者均每歲報部

覈銷

育嬰堂 會典直省建立育嬰堂遇有遺棄病廢之

嬰兒收養於堂有姓名年月日時可稽者一一詳註

於册僱覓乳婦善為乳哺撫養有願收為子孫者問

明居址姓名方與之仍補註於册其經理報銷與普

濟堂同

謹案會典又載

京師除例設普濟育嬰二堂外五城各設棲流所收卹

無依流民及街衢卧病者給其衣食醫藥又於冬

季煮粥賑饑五城各設二廠遇市糶價昂撥給倉

米平糶京城內外共設十廠嘉慶六年冬月復奉

特旨散給棉衣由府尹及指揮經理而以御史督察之直省

守土官誠能推廣

皇仁壽貲做設則海隅蒼生同登衽席不獨首善之區頌好生之德於無既也 吾學錄

矜囚獄 會典在禁囚犯日給倉米一升冬給絮衣一件鎖杻常須洗滌席薦常須鋪置冬設煖牀夏備涼漿並於本處有司在官錢糧內施放獄官預期申明關給毋致缺誤 內外監獄醫治罪囚疾病官給以藥選用醫生二名年底稽考優劣 獄內禁用匣牀 地方官私設班館自新所之類皆屢經奉

上旨飭禁

瘞枯骨 會典直省地方如有無主暴露枯骨各該

地方官建置義塚立法收埋仍咨報部如有好義之人收瘞貧屍及揜埋枯骨數多者有司勘實給匾旌獎

謹案養民之政其端甚多而大指不外除弊以興利因地以制宜固地方官者之所必究心然此舉多由於好義紳衿殷實家戶共為施濟以裨化原庶教養兼該治人與治法相輔而行而國家旌善之典一一可備舉於前矣 吾學錄

